

ՄԱՆԿԱԿԱՆ ԱՎԱՆԴԻ ՊԱՅՄԱՆԱԳՐԻ Ն _____

Ք. _____ << >> _____ 20__ թ.

<<ՀԱՅԷԿՈՆՈՄԲԱՆԿ>> ԲԲԸ-ն, այսուհետ՝ Բանկ, մի կողմից, և

ֆիզիկական անձի անուն, ազգանուն, հայրանուն, անձը հաստատող փաստաթղթի տվյալներ, հաշվառման հասցեն այսուհետ՝ Ներդրող, մյուս կողմից, այսուհետ միասին՝ Կողմեր, իսկ առանձին-առանձին նաև Կողմ, կնքեցին սույն ավանդի պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով Ներդրողը Բանկում ներդնում է ներքոհիշյալ գումարի չափով ավանդ, այսուհետ՝ Ավանդ,

Նշել ներդրվող ավանդի գումարի չափը (թվերով և տառերով) և արժույթը

հոգուտ երրորդ անձի՝

(անուն, ազգանուն, հայրանուն, բն. հասցեն, ծննդյան թիվը, ծննդյան վկայականի տվյալները, առկայության դեպքում նաև անձնագրի տվյալները) այսուհետ՝ Ավանդատու, վերջինիս 18 /տասնութ/ տարին լրանալու հաջորդ օրը Ավանդատուին վերադարձնելու պայմանով: Մինչև Ավանդատուի 18 /տասնութ/ տարին լրանալը Պայմանագրով սահմանված Ավանդատուի իրավունքները ամբողջությամբ պատկանում են միայն Ներդրողին:

- 2.1. Ավանդի դիմաց Բանկը վճարում է Ավանդատուին տոկոսներ Պայմանագրի 2-րդ մասով սահմանված չափով, կարգով և ժամկետներում:
- 2.3. Ավանդի մուտքը, ելքը, տոկոսների վճարումը հավաստվում է ՀՀ բանկային պրակտիկայում կիրառվող վճարահաշվարկային փաստաթղթերով, եթե այլ բան չի սահմանվել Պայմանագրով:

2. ԱՎԱՆԴԻ ՏՈԿՈՍԱԳՈՒՄԱՐԻ ՀԱՇՎԱՐԿԸ ԵՎ ՎՃԱՐՄԱՆ ԿԱՐԳԸ, ԱՎԱՆԴԻ ԱՅԼ ՊԱՅՄԱՆԵՐԸ

- 2.1. Ավանդի դիմաց հաշվարկվում են տոկոսներ՝ տարեկան _____ (_____) % տոկոսադրույքի չափով, փաստացի օրերի դիմաց տարին ընդունելով 365 օր, նահանջ տարին՝ 366 օր:
- 2.2. Ավանդի տարեկան տոկոսային եկամտաբերությունը կազմում է _____ (%):
- 2.3. Ավանդի տոկոսները հաշվարկվում են Ավանդը Բանկում ընդունվելու օրվանից մինչև Ավանդատուին վերադարձվելու նախորդ օրը:
- 2.4. Ավանդի տոկոսները Ավանդատուի ցանկությամբ վճարվում են _____ Ավանդի արժույթով/ ՀՀ դրամով յուրաքանչյուր տարի երկու անգամ, հունվար և հուլիս ամիսների 10-րդ օրը՝ ավելացվելով Ավանդի գումարին, որի դիմաց շարունակում են հաշվարկվել Պայմանագրի 2.1 կետով սահմանված տոկոսները
- 2.5. Ավանդը կամ դրա մասը մինչև Պայմանագրի 2.4 կետով սահմանված օրերի լրանալը պահանջվելու դեպքում՝ համապատասխանաբար Ավանդի կամ պահանջվող մասի դիմաց Պայմանագրի 2.1 կետով սահմանված տոկոսների փոխարեն հաշվարկվում են տոկոսներ՝ տարեկան 0 % տոկոսադրույքի չափով:
- 2.6. Ավանդատուն կարող է ավելացնել Ավանդին լրացուցիչ գումարներ (որոնց նկատմամբ հաշվարկվում են Պայմանագրի 2.1 կետով սահմանված տոկոսները)՝ մինչև Ավանդի վերադարձման ժամկետը լրանալուն նախորդող 60-րդ օրը:
- 2.7. Բանկը չի կարող միակողմանի նվազեցնել Պայմանագրի 2.1 կետում նշված տոկոսները՝ Պայմանագրի 1.2 կետով սահմանված ժամկետին Ավանդը վերադարձվելու պայմանով:
- 2.8. Եթե Ավանդի վերադարձման ժամկետը լրանալուց Ավանդը չի պահանջվել, ապա մինչև Ավանդի փաստացի պահանջվելը Ավանդի դիմաց հաշվարկվում են տոկոսներ Բանկում գործող բանկային հաշիվների և առկա դրամական միջոցների համար սահմանած տոկոսների չափով:
- 2.9. Ավանդատու ֆիզիկական անձի (այդ թվում՝ անհատ ձեռնարկատեր) ներկայացուցչի լիազորությունները հավաստվում են նոտարական (վերջինիս հավաստագրված անձանց) վավերացումով կամ Բանկում համապատասխան պաշտոնատար անձանց հաստատումով Ավանդատուի կողմից տրված լիազորագրով:
- 2.10. Ավանդատուն (նրա ներկայացուցիչը) նույնականացվում է անձը հաստատող փաստաթղթով Բանկ ներկայանալու և նույնացվելու միջոցով: Ավանդատուն համարվում է նույնականացված նաև ավտոմատ ինքնասպասարկման սարքերով, համացանցով, էլեկտրոնային միջավայրում կատարվող գործարքներով՝ Ավանդատուի նույնականացման տվյալը (PIN կոդ (ծածկագիր), քարտի CVV կոդ, նշանաբան, գաղտնաբան, նույնականացնող այլ միջոց) կիրառվելու դեպքերում:
- 2.11. Ավանդի պայմանները սահմանվում և կարգավորվում են Պայմանագրով, ինչպես նաև Բանկի վարչության կողմից հաստատված Ավանդի տեղեկատվական ամփոփագրով, որը հանդիսանում է Պայմանագրի անբաժանելի մասը: Տեղեկատվական ամփոփագիրը հրապարակվում է Բանկի ինտերնետային կայքէջում (www.aeb.am) և տրամադրվում է Ավանդատուի առաջին իսկ պահանջով անվճար: Տեղեկատվական ամփոփագրում Բանկը կարող է միակողմանի կատարել փոփոխություններ, որոնք ուժի մեջ են մտնում Բանկի ինտերնետային կայքում հրապարակվելու օրվանից, եթե ուժի մեջ մտնելու այլ ժամկետ չի սահմանվում այդ փոփոխություններով:

2.12.22 օրենսդրությամբ սահմանված դեպքերում և կարգով՝ դատական ակտերի, հարկադիր կատարման մարմինների, հարկային մարմինների որոշումների հիման վրա, ինչպես նաև Ավանդով ապահովված պարտավորությունների և/կամ Բանկի նկատմամբ Ավանդատուի պարտավորությունների չկատարման դեպքում՝ Ավանդը կարող է անակցեպտ կարգով բռնագանձվել, որից հետո 30 օրացույցային օրում Բանկը պարտավոր է դրա մասին տեղեկացնել Ավանդատուին՝ տրամադրելով Հաշվի քաղվածք վերջինիս հաղորդակցման եղանակով:

2.13. Ավանդատուին վճարվող տոկոսները հարկվում են ՀՀ օրենսդրությամբ սահմանված չափով:

3. ԱՎԱՆԴԱՏՈՒԻ ԻՐԱՎՈՒՆՔՆԵՐԸ

3.1. Ավանդատուն իրավունք ունի՝

- 3.1.1. Բանկից պահանջել վճարելու Ավանդի դիմաց տոկոսներ Պայմանագրով սահմանված կարգով, չափով և ժամկետներում:
- 3.1.2. Բանկից պահանջել ապահովելու Ավանդի գաղտնիությունը՝ ՀՀ օրենսդրությամբ սահմանված կարգով:
- 3.1.3. Բանկից ստանալ ՀՀ օրենսդրությամբ սահմանված կարգով, ժամկետում և պարբերականությամբ Ավանդատուին պարտադիր տրամադրման ենթակա տեղեկատվությունը, ներառյալ Ավանդի քաղվածքները, Ավանդատուի հաղորդակցման եղանակով:
- 3.1.4. Ավանդն ավելացնել Պայմանագրով սահմանված դեպքերում և կարգով:
- 3.1.5. Բանկից պահանջել վերադարձնելու Ավանդը դրա ժամկետը լրանալուց, ինչպես նաև մինչև Ավանդի ժամկետի լրանալը:

4. ԱՎԱՆԴԱՏՈՒԻ ՀԱՂՈՐԴԱԿՑՄԱՆ ԵՂԱՆԱԿԸ

4.1. Ավանդատուն հաստատում է, որ Բանկի կողմից Ավանդատուին տրամադրման ենթակա տեղեկատվությունը, ներառյալ՝ քաղվածքներ, ծանուցումներ, այլ տեղեկություններ և/կամ ՀՀ օրենսդրությամբ նախատեսված պարտադիր տրամադրման ենթակա տեղեկատվությունը Ավանդատուին տրամադրելու լեզուն և կապի միջոցն է (Ավանդատուն իրավունք ունի պահանջել պարտադիր տեղեկատվությունը տրամադրել Բանկի տարածքում առձեռն, կամ գրավոր ներկայացնել այլ կապի միջոց)՝
 հայերեն/անգլերեն _____ էլեկտրոնային փոստ հասցեն _____

- 4.2. Ավանդատուն հաստատում է, որ մինչև Պայմանագրի կնքումը Բանկից ստացել է Ավանդի տեղեկատվական ամփոփագիրը:
- 4.3. Ավանդատուն հաստատում է, որ ծանուցվել է Բանկում ներդրված ավանդների հատուցման երաշխավորման պայմանների և կարգի մասին:

5. ԲԱՆԿԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Բանկի կողմից Ավանդը վերադարձնելու կամ տոկոսները վճարելու պարտավորությունը չկատարելու կամ ուշացնելու դեպքում յուրաքանչյուր ուշացած օրվա համար Բանկը վճարում է տույժ՝ չվճարված /չվերադարձված/ գումարի 0.02 % չափով:
- 5.2. Բանկը երաշխավորում է Ավանդի վերադարձը իր ակտիվներով:

6. ԱՅԼ ՊԱՅՄԱՆՆԵՐ

- 6.1. Պայմանագիրն ուժի մեջ է մտնում Ավանդը Բանկում փաստացի ընդունվելու օրվանից և գործում է մինչև Ավանդը Ավանդատուին ամբողջությամբ վերադարձվելը:
- 6.2. Այն հարցերը, որոնք չեն կարգավորվում Պայմանագրով, կարգավորվում են ՀՀ օրենսդրությամբ: Կողմերի միջև ծագող վեճերը բանակցություններով չլուծվելու դեպքում՝ վեճերի քննությունը ենթակա է լուծման ՀՀ դատարանների միջոցով:
- 6.3. Ավանդատուն կարող է Պայմանագրից բխող բոլոր-պահանջները ներկայացնել ՀՀ ֆինանսական համակարգի հաշտարարին՝ «Ֆինանսական համակարգի հաշտարարի մասին» ՀՀ օրենքով սահմանված կարգով, դեպքերում ու պայմաններով: Ֆինանսական համակարգի հաշտարարի որոշումները վիճարկելու իրավունքից հրաժարվելու վերաբերյալ համաձայնագիր Բանկը չի կնքել:
- 6.4. Պայմանագիրը կնքվել է երկու օրինակից, որից մեկական օրինակ տրամադրվել է յուրաքանչյուր կողմին: Պայմանագրի օրինակը կորցնելու դեպքում Ավանդատուի դիմումով Բանկը տրամադրում է Պայմանագրի պատճենը:
- 6.5. Պայմանագիրը Բանկի կողմից ստորագրվում է երեք աշխատակցի կողմից և կնքվում է Բանկի կլոր կնիքով:

7. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

<p>ԲԱՆԿ <<ՀԱՅԷԿՈՆՈՄԲԱՆԿ>> ԲԲԸ Ներկայացուցչի ԱԱՀ _____ Լիազորագրի ամսաթիվ, համար _____ _____ ներկայացուցչի ստորագրություն _____ Անուն, ազգանուն, ստորագրություն _____ Անուն, ազգանուն, ստորագրություն</p>	<p>ԱՎԱՆԴԱՏՈՒ _____ ԱԱՀ _____ Հաշվառման հասցե _____ անձը հաստատող փաստ. տվյալներ _____ ստորագրություն</p>
--	---